

四庫全書存目叢書編纂委員會編

齊魯書社

四庫全書存目叢書

子部
第三五冊

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

EB63/01

四庫全書存目叢書·子部三五

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 40.125 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

子部第三五冊目次

子部·兵家類

兵鏡三種十六卷

〔清〕鄧廷羅撰
故宮博物院圖書館藏清康熙刻本

.....一

武備志畧五卷

〔清〕傅禹輯
北京大學圖書館藏清康熙十五年刻本

.....四〇三

練閱火器陣記一卷

〔清〕薛熙撰
山西大學圖書館藏清道光吳江沈氏世楷堂刻昭代叢書本

.....六三三

兵鏡三種十六卷

〔清〕鄧廷羅撰

故宮博物院圖書館藏清康熙刻本

附《四庫全書總目·兵鏡十一

卷》提要

兵鏡序

陳廷敬

鄧觀察偶樵著兵鏡書成余得寓目焉因俯而思仰而嘆曰大哉帝王將相之權輿而古今成敗得失之林也兵事云乎哉夫易地水之卦曰師彖曰貞曰剛中曰行險而順爻於師出曰律師中錫命曰懷萬邦師進曰執言師退曰左次吉无咎曰丈人帥師曰長孚剖符封功臣曰開國承家丘甸井牧之制曰審民畜衆聖人之於兵事蓋若斯之慎也三代後談兵者輒譏出矣然大要折衷於孫武子若夫尉繚李靖之言校諸十三篇猶拾潘也偶樵讀書破萬卷他所論著脗炙海內已久其於孫子章疏而句釋之翼以備考參以或問工良心苦非爲孫子也以云鏡也夫盈虛消息循諸天道山林水澤因諸地理虛實順逆度諸人情遲速取舍揆諸事勢如是而得如是而失如是而敗如是而成上下數千年若列眉而指掌也昔陸子新語賈山至言崔寔激昂於政論嚴安徐樂之屬慷慨於對策要皆兢兢於當世之鏡云是編也標本具舉洪纖兼該後先相望將無同乎吾於是而

知偶樵之深於易學矣

序二

兵鏡序

余國柱

漢藝文志孫武子八十二篇魏武剛定爲十三篇余
觀察鄧公偶樵論著兵鏡一書行於世余子曰子讀
兵鏡而知觀察之暇也客曰觀察亦極勞耳今夫荆
南天下重鎮而觀察者吏民兵食之樞機也軍興以
來羽檄倥偬簿書填委戴星視事夜分猶繼以燭夫
觀察亦極勞耳而安所得暇乎余子曰固哉子之論
也夫前後出師之表爭光日月者綸巾羽扇之武侯
也慷慨平吳之疏唾手江東者輕裘緩帶之叔子也
序一
若夫陶八州運甓以勤其身木屑竹頭以綦其慮功
業偉矣然折衝敵愾之餘不遑有所論著觀察之暇
子烏足以知之哉諺曰聚腋成裘披沙見寶鑒以折
肱而良車以積中而載是書也代不一人事不一轍
是聚腋之裘也應不泥局發不滯機是披沙之寶也
標本緩急一望而知針灸熨劑萬全而動是折肱之
良也輪軫輻軼取材必精動靜盈虛致遠必備是積
中之載也夫握僮石之算者昧猗頓之藏踟躕車之
駕者駭駉駉之步襲臆牖之明者礙瀛海之觀肆矇

賈之業者失鈞天之奏若夫囊括萬有馳騁八荒
既悉離朱聰極變曠暇之至也而子烏足以知之客曰
甚矣先生之知觀察也請升諸兵鏡之編

序二

四

兵鏡序

李天啟

史稱鄧司徒杖策從龍功在賈冠岑馮之上及寧河
汗馬疆場又與中山開平比烈也鍾鼎竹帛豈不後
先輝映哉鄧子偶樵王佐才也然以儒行顯名天下
少讀書耻事章句自六經三傳諸子國策史漢以至
唐宋大家莫不淹貫指歸提挈綱領詞賦則祖騷
選奄有曹劉李杜之勝洵藝苑之宗工觚槩之哲匠
矣余兩人素心晨夕嘗相與縱橫今古酒酣耳熱捫
蝨而及世務偶慨然曰坐而言起可施行良難哉

序一

男子昂藏七尺經文緯武惟時所任一旦援枹專閫
當社稷封疆之寄譬之大車輪蓋軫輻以整以暇乃
積中而不敗也士不素蓄其若倉卒何已而出所著
兵鏡備考示余余讀之回念向者余兩人抵掌論心
時有味乎其言之也夫偶樵視師閩海出守東萊觀
察辰沅荆南所至輒樹非常之功設施注厝亦略見
於天下矣是書出以告天下之運籌帷幄決勝千里
者使知司徒寧河之略具在綸巾指顧間也誰謂偶
樵恂恂儒生哉

兵鏡序

沈 荃

兵鏡者吾友鄧子偶樵所著也往者偶樵珥筆侍從
炳炳麟麟於蘭臺虎觀之間蓋賦祖枚馬頌儷淵雲
誌表方之徐陵籍田儼諸潘岳獨租賜酺之詔奉揚
仁風諭蜀臣佗之文宣昭義問莫不隻字輦金四維
曼玉矣若乃流螢垂柳體備風人寶劍明河韻沿正
始供奉懷古之什曲江感遇之篇洋洋蕪苑籍籍京
華所謂篇章之神駿文采之祥鸞也既而攬轡澄清
褰帷民社揮毫鈴閣之中灑翰棠陰之下昌黎平淮

序一

六

少陵入蜀無境不臻有嫩威備矣頃之出是編以公
海內且曰居今志古所以自鏡也余縱觀之則三垣
九野五花八門海嶼煙縈戶口隄塞之處車箱騎步
戰克攻取之機繁若剗眉洞如觀火以至屯種轉漕
飽騰士馬劍槩矢石精能技擊證古則六經諸史之
鴻文審幾則名公哲相之碩畫道兼劍守載備曩今
詳哉其言之也夫兵法之難言久矣諺曰無於水鑑
當於人鑑神明變化出奇無窮偶樵之志也余既服
膺偶樵生平之著述又於是編識之以俟知兵者採

馬

序二

九

兵鏡序

周于漆

余與偶樵生同里長同學宦遊京師常同邸舍故天下之知偶樵未有如余者也偶樵世爲江南大族自其先人以來家多藏書交友多天下奇士江南俗素緩而偶樵獨慷慨倜儻以氣自豪居常落落有次結語及古人奇節偉行非常可喜之功輒揚揚眉宇間若將庶幾遇之視世俗章句儒生無足當其意者往往從中秘常奉命視師閩海當是時海島中縱橫出沒尚有如漢初田橫者及急偶樵倉卒脩戰具料

序一

八

丁壯帶劍登陴執枹鼓督戰士士呼聲動天無不一以當十諸將人人震恐無不受樣樓節制樣樓者漳城要害而偶樵身當矢石處也是時周櫟園觀察亦在師中及賊破而城以完偶樵椎牛饗士而飲酒賦詩談笑如平時櫟園曰微公寧有今日於是退而告人曰若偶樵者使得建牙仗鉞爲大將軍戰勝攻取萬戶侯何足道哉蓋偶樵之將略如此偶樵談兵獨喜孫武子常曰善用兵者殺其士卒之半著書亦然誠得武子十三篇神而明之方行天下可也惡用彼

紛紛諸家爲已乃取孫子書芟繁去複訂其訛次其淆亂更摭拾古人攻戰創守是非成敗已事條分縷析勒成一書顏曰兵鏡余讀而壯之因憶偶樵少年上馬殺賊下馬草露布事使天下讀是書者毋謂偶樵徒託諸空言可也

序二

九

兵鏡序

楊雍建

王大夫養安無事大都習爲潤色太平之文而智勇
凌沈者常有數千載之廟謨國是參伍錯綜於燕居
澹念之際李鄴侯裴晉公一旦身當天下之任而運
籌決勝所嚮成大功者其素所蓄積然也蓋庸人恬
熙於無事事至而始爲之備則倉猝矣豪傑練達於
平時時至而徐爲之謀則整暇矣夫需者事之賊也
玩者幾之蠹也衎衎之小數遺海宇之大計者聞
於治體者也故曰飄搖而拮据不如未雨之綢繆也

序一

十

賁育而蹶張不如綸巾之指麾也雖有焦頭爛額之
衆不如曲突而徙薪也余常欲博覽古人兵法撫其
所以勝所以敗者彙成一書以爲後來著蔡今讀偶
樵兵鏡一編何其識之濶而慮之遠耶偶樵曩與余
居氣靜而神閒讀書取大意不屑屑章句之學常曰
用古而不泥古乃真能嗜古者今於孫武子十三篇
囊括而冶鑄之變變化化不可端倪有是書而諸家
皆可廢抑有是書而諸家皆可用余以是告天下之
嗜古者用古而不泥古如偶樵焉可也并以是告天

下之無事者無事而常事事如偶樵焉可也

序二

十

兵鏡凡例

章句

一孫子一書。自始計以迄用間。如同條。如共貫。原始要終。層次井井。十三篇如一篇也。至一篇之中。節有旨。句有義。亦靡不綱舉目張。主賓互見。惟是羸秦灰燼之餘。編次失序。迨漢晉唐宋而還。傳不一代。註不一家。魯魚豕亥之訛。相沿而愈亂。如作戰竄謀攻。軍變誤九變九地。前後參差重複。俾讀者目眩。作者意晦。蓋種種焉。茲章

東鏡凡例

凡例一

註釋

一孫子註。無慮數十家。然單詞隻句。多散見於他書。若夫條分縷晰。畫然成一家言者。顧未之概見。以茲全豹未窺。終有剩義。集註一書。略仿紫陽經書體裁。於每篇序次。以見大意。於每節總括。以別源流。於每句逐字音釋。以詳訓詁。凡前

人嘉言懿行。中合古法者。另標之圈外。綱以繫要。紀以識詳。使學者得以參觀互考焉。凡一卷

備考

一救亂如救病。用兵猶用藥。善醫者因症立方。善兵者因敵設法。孫子十三篇治病之方也。古今帝王將相之戰功往蹟。名醫之案也。醫不通曉。方案不謂之名醫。將不貫串古今。得謂之名將乎。茲於每篇中。語足以法者。特為標題。而彙集古人行事以實之。或一事數法。或數法一意。語云。閉門造車。出門合轍。蓋規矩者方圓之至也。誰謂大匠之巧。能廢規矩哉。善讀者神而明之。存乎其人。凡十三卷。

或問

一孫子十三篇。無篇不可為法。無句不可為訓。考古今用兵之事。或時同法異。或事異法同。固宜切墨以引繩。亦難膠柱而鼓瑟。茲將歷代帝王將相廟謨勝算。文德武功。事蹟相反。名義相類者。設為問答。使之相提并論。以考其得失。於同

兵鏡凡例

凡例二

處求異於異處求同務期諸家之是非離合與
歷代之成敗興亡合契同符庶幾坐而言起而
可行也不然趙括徒讀父書而無當於臨陣決
機曷益哉凡二卷

真鏡凡例

凡例三

十四

兵鏡參訂姓氏

沈 荃 字釋堂

李天馥 號容菴

陳廷敬 字說巖

李宗孔 字書雲

成 性 字杏懷

楊雍正 字以齋

余國柱 號佺廬

吳珂鳴 字呀方

參訂姓氏

姓氏

薛奮生 字衛公

羅秉倫 字振彝

周于漆 號萬峯

葉灼棠 號嵩巢

周國代 字象可

黃 隆 號無菴

杜登春 字九阜

張 惲 字南村

胡禹冀 號載川

十五

孫子集註序

兵者治天下之具。亦亂天下之具也。善用之則治。不善用之則亂。蓋古今往往而然矣。是故唐虞之世。兵不用而治。夏商之世。兵一用而治。春秋戰國之世。兵數用而不治。秦漢唐宋之世。兵時用而時治。數用而數亂。則其故何也。志曰。兵凶戰危。聖王不得已而用者也。不得已而已。國雖強。好戰必弱。不得已而已。國雖安。忘戰必危。是故兵無所謂法也。好戰與忘戰。焉二者而已矣。周之失在忘戰。秦之失在好戰。漢唐宋之失在始好戰而終忘戰。非忘戰也。併所以爲戰者而失之。上常戰於離明。則主勝。下常戰於乾惕。則輔勝。朝常戰於君憂臣辱。則內勝。野常戰於親上死長。則外勝。不然。無人才。必政事不理。無禮義。必財用不足。紀綱凌替。而民生日蹙。人心漓澆。而風俗日偷。國之禮失其四。而務用兵以求濟焉。曷可得乎哉。孔子孟子蓋慎言兵者也。其言曰。去兵去食。民無信不立。又曰。天時不如地利。地利不如人和。夫師和則克。衆失則亡。古之謀深而慮遠者。恒三致意焉。第言兵之

孫子集註

自序

十六

孫子集註

自序

十七

家多矣。而規矐可守者。類推七書。其間或真或贗。不無泛濫寡要之慮。惟孫子十三篇。簡而該。精而有則。卽其始計篇曰。令民與上同意。則其言近於道。而治國治兵之理。若符券焉。是可爲韜鈴士之金科玉律矣。因特編註以爲式。濠梁鄧廷羅撰。

吳孫武傳

孫武子者齊人也。以兵法見於吳王闔廬。闔廬曰。子之書。吾盡觀之矣。可以小試勒兵乎。對曰。可。廬曰。可。試以婦人乎。曰。可。於是許之。出宮中。美人得百八十人。孫子分爲二隊。以王之寵姬二人各爲隊長。皆令持戟。令之曰。汝知而心與左右手背。婦人曰。知之。孫子曰。前則視心。左視左手。右視右手。後卽視背。婦人曰。諾。約束既布。乃設鈇鉞。旣三令五申之。於是鼓之。右婦人大笑。孫子曰。約束不明。申令不熟。將之罪也。復三令五申而鼓之。左婦人復大笑。孫子曰。約束不明。申令不熟。將之罪也。旣已明而不如法者。吏士之罪也。乃欲斬左右隊長。吳王從臺上觀。見且斬愛姬。大駭。使使下令曰。寡人已知將軍能用兵矣。寡人非此二姬。食不甘味。願勿斬也。孫子曰。臣旣已受命爲將。將在軍。君命有所不受。遂斬隊長二人。於是復鼓之。婦人左右前後跪起。皆中規矩繩墨。無敢出聲。於是孫子使使報王曰。兵旣整齊。唯王所欲用之。雖赴水火猶可也。吳王曰。將軍罷休就舍。寡人不願下觀。

孫子集註

孫武傳一

十八

孫子曰。王徒好其言。不能用其實。於是闔廬知孫子能用兵。卒以爲將。西破彊楚。入郢。北威齊晉。顯名諸侯。

孫子集註

孫武傳二

十九

孫子集註總目

一卷

始計第一 計二十八則

謀攻第二 計十四則

作戰第三 計九則

軍形第四 計十則

兵勢第五 計十三則

虛實第六 計二十六則

軍爭第七 計三十則

孫子集註

總目

軍變第八 計十三則

行軍第九 計十七則

地形第十 計六則

九地第十一 計二十三則

火攻第十二 計四則

用間第十三 計十二則

孫子

濠梁鄧廷羅偶樵氏集註

漢藝文志稱武子兵法八十二篇。曹操刪註十三篇。

始計第一 君謀於國。將謀於君。先着貴乎多算。原始計。○李卓吾曰。始計者。預算也。

孫子曰。兵者。國之大事。死生之地。存亡之道。不可不察也。故經之以五事。校之以計。而索其情。此言兵之不可不審已。而量敵也。○國有五禮。兵居其一。關係甚重。故曰大事。生死。以人言。存亡。以國言。五事。即下五事。校計審已之計也。索情。量敵之情也。一曰道。二曰天。三曰地。四曰將。

孫子集註

始計一

一

五曰法。道者。令民與上同意。可與之死。可與之生。而不畏危也。天者。陰陽寒暑時制也。地者。遠近險易廣狹死生也。將者。智信仁勇嚴也。法者。曲制官道主用也。凡此五者。將莫不聞。知之者勝。不知者不勝。此言事之目。而欲主將之深知也。○道。以教養素孚。說同意。謂民與上同一敵愾之意。時制。謂順其時以制其宜也。○杜牧曰。曲者。部曲隊伍有數也。制者。金鼓旌旗有節也。官者。偏裨校列有序也。道者。營陣間合有法也。主者。兵刑錢穀有司也。用者。車馬器械有具也。知者。言五者將所同聞。惟貴其深知也。校之以計。而索其情。曰主孰有道。將孰有能。天地孰得。法令孰行。兵衆孰強。士卒孰練。賞罰孰明。吾以此

知勝負矣。將聽吾計，用之必勝，留之將不聽吾計，用之必敗。去之。此言校案已審，而任將又不可不擇其人也。○曰：心與口謀之意。○徐象卿曰：主孰有道，然民與上同意，將孰有能，照智信仁勇威。天地孰得，照陰陽寒暑時制，廣狹險易遠近死生。法令兵衆士卒賞罰，照曲制官道主用。將聽則留，不聽則去。人主擇大將，大將擇偏裨，俱視此以爲去留也。計利以聽，乃爲之勢，以佐其外。勢者，因利而制權也。兵者，詭道也。故能而示之不能，用而示之不用，近而示之遠，遠而示之近，利而誘之，亂而取之，怒而撓之，卑而驕之，實而備之，強而避之，佚而勞之，親而離之，攻其無備，出其不意。此兵家之勝，不可先傳也。此言內謀。

孫子集註
始計二
二

已協而又當外張其勢以惑之也。○利者宜也。應者協也。計利以聽，謂君與將所謀皆合於宜而無抵牾也。乃爲之勢，虛勢也。意在此而形在彼，外示以虛，張之勢而不令人得窺其本謀也。因利制權，謂因其機宜而制權度也。詭道者，虛詐之謂，示以不能，不用或遠或近，或誘或取，或撓或驕，總言利之在己者，我貴設形以惑之，使彼不能測也。備之避之，勢之離之，總言利之在彼者，我貴預審以制之，使彼不能恃也。無備敵之法，未及設也。不意敵之慮，未及覺也。不可先傳，謀貴密而不可泄也。○李靖曰：陣之有天地風雲商羽徵角者，兵家之詭道也。廢之則使貪使愚之術從何而施？詭道之謂也。○太公文韜曰：鷙鳥將擊，卑飛放翼，猛獸將搏，弭耳俯伏。聖人將動，必有恩色，能而示以不能，用而示以不用之謂也。○軍諶曰：將謀密，則奸心閉，將謀濶，則軍無勢，不可先傳之謂也。夫未戰而廟算勝者，得算多也；未戰而廟算不勝者，得算少也；多算勝，少算不勝。

勝而況於無算乎？吾以此觀之，勝負見矣。此合言戰勝也。不暴甲而勝者，主勝也。○漢高祖曰：運籌帷幄，決勝千里，吾不如子房。廟算之謂也。

偶樵氏曰：奕小道也。先着勝，後着不勝，兵之始計。其先着之謂乎？殷先得伊尹，而勝夏周；先得呂尚，而勝商；漢先得張良、韓信、陳平，而勝楚項；光武先得鄧禹、寇恂、馬援，而勝更始；唐先得魏徵、李勣，尉遲恭而勝隋；宋先得趙普、曹彬、符彥卿，而勝周；奕之侵分局也。夏以亂殷，先以治商，以暴周，先以仁。

孫子集註
始計三
三

楚以弑逼義帝，漢先以法約三章，新莽以逆讎而光武先義旗，隋以荒淫而唐先節儉，周以廢弛而宋先禮法，奕之布勢局也。侵分必彼之羽翼孤，布勢必我之壁壘固。唐太宗曰：善奕者，多乘人之誤。嗚呼！觀歷代勝負興亡之蹟，在此者，苟毋誤在彼者，亦安從而賀戰勝哉！

謀攻第二 計則謀則攻

孫子曰。夫用兵之法。全國爲上。破國次之。全軍爲上。破軍次之。全旅爲上。破旅次之。全卒爲上。破卒次之。全伍爲上。破伍次之。是故百戰百勝。非善之善者也。不戰而屈人之兵。善之善者也。此言用兵貴乎全。全。如降人之國。全軍。如降人之軍。數語一意。不戰而屈人之兵。正是全國全軍。○吳子曰。義以禮服。強以謀服。剛以辭服。暴以詐服。逆以順服。故上兵伐謀。其次伐交。其次伐兵。其下攻城。攻城之法。爲不得已。修櫓轆轤。具器械。三月而後成。距闕。又三月而後已。將不勝其

孫子集註

謀攻一

四

忿怒而蟻附之。殺士卒三分之一。而城不拔者。此攻之災也。此言上兵惟貴伐謀。而攻城必至於有害。非之。故曰伐謀。交者。敵之聲援。我離。間以阻之。故曰伐交。伐謀伐交。正是不戰屈人之意。櫓。大楯。可蔽矢石者。轆轤。車屬器械。斧鉞。梯。等物。皆攻城之具也。闕。城闕也。攻城至於殺士不拔者。總其言伐兵攻城之害也。故善用兵者。屈人之兵。而非戰也。拔人之城。而非攻也。毀人之國。而非久也。必以全爭於天下。故兵不頓而利可全。此謀攻之法也。此言謀攻之善。在以萬全之道。取勝於天下也。○李卓吾曰。惟以全人之國。爲攻人之謀。又以伐人之謀。爲謀攻之上策。故軍旅卒伍。無一而不得其全。斯爲全爭。故用兵之法。十則圍之。五則攻之。倍則分於天下矣。

之敵。則能戰之少。則能守之不若。則能避之。故小敵

之堅。大敵之擒也。此舉言全爭之法。當審度彼已。而倍於敵。故可圍。五倍於敵。故可攻。一倍於敵。則止可

分之耳。分者。謂我設變以分敵之勢也。與敵相實。則

戰。數少於敵。則守。勢不若於敵。則避。若小敵。夫將者

不量力。而堅於未戰。則必爲大敵所擒矣。此見國之

國之輔也。輔周則國必強。輔隙則國必弱。能全乎於

天下者。惟故軍之所以患於君者。三不知軍之不可

以進而謂之進。不知軍之不可以退而謂之退。是謂

糜軍。不知三軍之事。而同三軍之政。則軍士惑矣。不

知三軍之權。而同三軍之任。則軍士疑矣。三軍既惑

孫子集註

謀攻二

五

且疑。則諸侯之難至矣。是謂亂軍。引勝。此言國之安

又不可。中制其權。以取敗也。○用兵雖在將。而用將

又在君。若君不知兵之當進當退。而強爲進退。不知

三軍之事。權而謀。爲主持。未有不亂者也。三軍之事

在應敵之事。幾說三軍之權。在攻戰之權。幾說亂軍

引勝。是自亂其軍。而引人以勝已。○李故知勝有五

靖曰。引勝者。言已自潰亂。非敵勝之也。

知可以與戰。不可以與戰者。勝。識衆寡之用者。勝。上

下同。欲者。勝。以虞待不虞者。勝。將能而君不御者。勝。

此五者。知勝之道也。此總言知勝之道有五。而君將

克惟和也。○吳起曰。不和於國。不可以出軍。不和於

軍。不可以出陣。不和於陣。不可以進戰。不和於戰。不

可以決勝。○唐太宗曰。光武之與蓋。順人心之怨。不